

Bosna i Hercegovina
Federacija Bosne i Hercegovine
Tuzlanski kanton
OPĆINSKI SUD U GRAČANICI

Broj: 027-0-Su-22-000 173
Gračanica, 25.03.2022. godine

IZVJEŠTAJ
O RADU OPĆINSKOG SUDA U GRAČANICI
ZA 2021. GODINU

Na osnovu elemenata i pokazatelja iskazanih u ovom izvještaju kroz prikaz stanja riješenih i neriješenih predmeta, priliva i strukture predmeta, kvaliteta rada, kaznene politike, izvršenja krivičnih sankcija, kadrovske strukture suda i materijalnog položaja kao i rada sudske uprave, može se sagledati rad Općinskog suda u Gračanici u 2021. godini.

STANJE RIJEŠENIH I NERIJEŠENIH PREDMETA

U priloženim tabelama prikazani su podaci o rješavanju predmeta na svim referatima i to: stanje neriješenih predmeta na dan 31.12.2020. godine, broj primljenih predmeta u 2021. godini, ukupan broj predmeta u radu, broj završenih i broj neriješenih predmeta na kraju 2021. godine, pregled neriješenih predmeta po godinama iz koje potiču.

Osim predmeta iskazanih u tabelama, u toku 2021. godine riješeno je i:

- Nar/Rz predmeta (predmeti naručenih izvadaka, prepisa i uvjerenja i razna zemljišno-knjižna pismena) 9636,
- izvršeno 6 ovjeravanja isprava (Ov. predmeti),
- izvršeno 2307 ovjeravanja isprava namijenjenih za upotrebu u inostranstvu (Ov-h),
- izdato 577 Kr uvjerenja da se ne vodi krivični postupak,
- izdato 201 Prz II uvjerenja da nisu izricane zaštitne mjere obavljanja djelatnosti, da stranka nije prekršajno kažnjavana.

Krivična oblast

U 2021. godini u krivičnoj oblasti sudovanja primljeno je u rad K 142 predmeta i 223 Kps predmeta. Broj krivičnih predmeta (K) koji su primljeni u rad 2021. godine u odnosu na 2020. godinu je veći, jer je 2020. godine primljeno 139 K predmeta, veći je i broj zaprimljenih Kps predmeta jer je 2020. godine primljeno 188 Kps predmeta.

Određeni predmeti Kps zaprimljeni u 2021. godini su i završeni u toj fazi donošenjem odluke, dok je određen broj Kps predmeta prešao u K fazu.

Došlo je do promjene u strukturi krivičnih djela u odnosu na prethodnu godinu tj. povećan je broj krivičnih djela: laka tjelesna ozljeda, ugrožavanje sigurnosti, posjedovanje i omogućavanje uživanja opojnih droga, nasilje u porodici, krađa, teška krađa, ugrožavanje javnog prometa zbog omamljenosti, teška djela protiv sigurnosti javnog prometa.

U tabeli ispod je prikaz K i Kps zaprimljenih predmeta, prikazanih po pravnom osnovu, tako je vidljivo da su u 2020. godini zastupljena sljedeća krivična djela

Vrsta krivičnog djela	član KZ F BiH	Broj predmeta
Teška tjelesna ozljeda	172 KZ FBiH	8
Laka tjelesna ozljeda	173 KZ FBiH	21
Protivpravno lišenje slobode	179 KZ FBiH	1
Ugrožavanje sigurnosti	183 KZ FBiH	7
Bludne radnje	208 KZFBiH	

Iskorištavanje djeteta ili maloljetnika radi pornografije	211 KZFBiH		1
Izvanbračna zajednica s mlađim maloljetnikom	216 KZFBiH		1
Nasilje u porodici	222 KZ FBiH		11
Izbjegavanje izdržavanja	223 KZ FBiH		1
Neovlaštena proizvodnja i stavljanje u promet opojnih droga	238 KZ FBiH		14
Posjedovanje i omogućavanje uživanja opojnih droga	239 KZ FBiH		41
Porezna utaja	273 KZFBiH		1
Krađa	286 KZ F BiH		18
Teška krađa	287 KZ F BiH		11
Utaja	290 KZ FBiH		2
Oduzimanje tuđe pokretnine	291 KZF BiH		1
Oštećenje tuđe stvari	293 KZ F BiH		10
Prijevarena	294 KZ F BiH		6
Iznuda	295 KZ FBiH		2
Prijevarena povjeritelja	299 KZ FBiH		1
Zloupotreba osiguranja	302 KZFBiH		1
Šumska krađa	316 KZ F BiH		7
Mučenje i ubijanje životinje	318 KZFBiH		1
Teška krivična djela protiv opće sigurnosti ljudi i imovine	328 KZFBiH		2
Ugrožavanje javnog prometa	332 KZ F BiH		18
Ugrožavanje javnog prometa zbog omamljenosti	333 KZ F BiH		9
Teška djela protiv sigurnosti javnog prometa	336 KZ F BiH		4
Davanje lažnog iskaza	348 KZFBiH		2
Sprečavanje službene osobe u vršenju službene radnje	358 KZFBiH		1
Napad na službenu osobu u vršenju poslova sigurnosti	359 KZ F BiH		1
Nasilničko ponašanje	362 KZ F BiH		8
Neovlašteno bavljenje određenim zanimanjem	364 KZ FBiH		1
Nedozvoljeno držanje oružja ili eksplozivnih materija	371 KZ F BiH		4
Krivtvođenje isprave	373 KZ F BiH		1
Protuzakonito posredovanje	382 KZFBiH		1
Zloupotreba položaja ili ovlaštenja	383 KZFBiH		3
Pronevjera u službi	384 KZ FBiH		1

U 223 primljenih Kps predmeta ukupno je optuženo 250 lice od kojih je 190 lica sa područja Grada Gračanica, 14 lica sa područja općine Doboj Istok, dok je 46 lica sa područja drugih općina.

Na kraju 2020.godine ostalo je neriješenih 40 K predmeta, u 2021. godini riješeno je 137 krivičnih predmeta, te je na kraju izvještajnog perioda ostalo neriješeno 45 K predmeta. Osuđujućom presudom je završeno 113 predmeta, oslobađajućom presudom 3 predmeta, u 2 predmeta je obustavljen postupak, u 1 predmetu je nastupila je apsolutna zastara zbog nedostupnosti optuženog, 4 predmeta riješeno je na drugi način (spajanjem postupka), dok je 14 predmeta riješeno u 2021.godini ali donesene odluke još nisu pravosnažne.

Od ukupno riješenih 137 K predmeta u 48 predmeta (35,04%) presuda je izrečena po osnovu priznanja krivnje, u 5 predmeta (3,65 %) presuda je izrečena po sporazumu o priznanju krivnje, u 70 predmeta presuda je donesena nakon održanog glavnog pretresa (51,09 %), u 1 predmeta (0,73%) je donesena obustava postupka i 12 predmeta (8,76%) su završena na drugi način (od kojih su 4 predmeta završena spajanjem), u 1 predmetu (0,73%) nastupila apsolutna zastara-nedostupnost optuženog ili drugi procesni razlozi.

Od ukupno riješenih 220 Kps predmeta u 74 predmeta (33,65%) presuda je izrečena po izdavanju kaznenog naloga, u 2 predmeta (0,91%) je donesena presuda na osnovu sporazuma o priznanju krivnje, u 1 predmetu (0,45%) postupak je obustavljen, u 137 predmeta (62,27%) donesena je odluka u meritumu, u 3 predmeta (1,36%) optužnica je povučena, u 1 predmetu (0,45%) odbijena optužnica i 2 (0,91%) predmeta su završena na drugi način.

Na kraju izvještajnog perioda ostalo je neriješeno 45 K predmeta i to: 33 predmeta (73,33%) iz 2021.godine, 2 predmeta (4,44%) iz 2020. godine, 3 (6,66%) predmeta iz 2019. godine, 1 predmet (2,23%) iz 2018. godine, 2 predmeta (4,44%) iz 2014.godine, 1 predmet (2,23%) iz 2012.godine, 1 predmet (2,23%) iz 2011.godine, 2 predmeta iz 2010. godine i ranije (4,44%).

Trajanje postupka: u 137 završena K predmeta u 2021. godini postupak je u 109 predmeta trajao do 3 mjeseca ili 79,56 %, u 25 predmeta ili 18,24% postupak je trajao preko 3 mjeseca do 1 godine, a u 3 predmeta ili 2,20 % postupak je trajao preko 1 godine.

Kaznena politika

Od riješenih 137 K predmeta, kazna zatvora je izrečena u 34 predmeta, uslovna osuda u 72 predmetu, novčana kazna u 7 predmeta, 3 predmeta je završeno donošenjem presude kojom se optuženi oslobađa od optužbe, u 2 predmeta je obustavljen postupak, 4 predmeta završena su spajanjem postupka, u 1 predmetu nastupila je apsolutna zastara zbog nedostupnosti optuženog dok je 14 predmeta riješeno u 2020.godini ali donesene odluke još nisu pravosnažne.

Kaznena politika redovno je analizirana na radnim sastancima sudija i može se ocijeniti adekvatnom počinjenim djelima odnosno jačini ugrožavanja ili povrede zaštićenog dobra, okolnostima pod kojima su djela učinjena, stepenu krivične odgovornosti počinitelaca, kao i drugim okolnostima od kojih zavisi vrsta i visina kazne, odnosno vrsta krivične sankcije.

Pritvor je određivan za 11 lica u 10 predmeta. Pritvor je za tri lica trajao od 1 do 3 mjeseca, za 7 lica pritvor je trajao od 3-6 mjeseci, a za 1 lice pritvor još uvijek traje (određen pritvor 28.12.2021.godine).

Maloljetnička delikvencija

U 2021. godini u radu je bilo 14 Km predmeta od kojih je 1 predmet prenesen iz 2020. godine, a 13 predmeta je zaprimljeno u 2021. godini. U odnosu na 2020. godinu u 2021. godini došlo je do povećanja priliva Km predmeta.

U 2021. godini u zaprimljenim predmetima u postupku protiv maloljetnika zastupljena su sljedeća krivična djela:

Vrsta krivičnog djela	član KZ F BiH	Broj predmeta
Posjedovanje i omogućavanje uživanja opojnih droga	239 KZ FBiH	4
Teška tjelesna ozljeda	172 KZ FBiH	2
Teška krađa	287 KZFBiH	3
Nasilničko ponašanje	362 KZFBiH	1
Teška krivična djela protiv sigurnosti ljudi i imovine	328 KZFBiH	1
Teška krivična djela protiv sigurnosti javnog prometa	336 KZFBiH	2
Utaja	290 KZFBiH	1

Završeno je 12 predmeta Km, a 2 predmeta nisu završena. U svih 12 Km predmeta izrečene su odgojne mjere i to u 10 predmeta odgojna mjera pojačanog nadzora nadležnog organa socijalne zaštite, a u 2 predmeta odgojna mjera pojačanog nadzora roditelja.

Trajanje postupka – u svim završenim Km predmetima postupak je trajao do 3 mjeseca.

a) Građanska oblast

Pregled primljenih parničnih predmeta:

Red. br.	Vrsta parničnog spora	Broj predmeta
1.	Sporovi iz bračnih i porodičnih odnosa	138
a	Razvod braka	111
b	Izdržavanje	
	- djece	5
	- bračnog druga	0
c	Osporavanje očinstva / materinstva	0
d	Utvrđivanje očinstva/materinstva	1
e	Podjela/utvrđivanje bračne stečevine	9
f	Određivanje neposrednih kontakata djeteta sa roditeljem sa kojim ne živi	2

	g	Izmjena odluke o povjeravanju djeteta	6
	h	Određivanje staranja o djetetu	3
	i	Izdržavanje-ostali	1
2.		Sporovi iz nasljeđivanja	2
		Raskid Ugovora o doživotnom izdržavanju	2
3.		Sporovi iz stvarnog prava	33
	a	Smetanje posjeda i prava	6
	b	Svojina i posjed nepokretnosti	3
	c	Svojina i posjed pokretnih stvari	1
	d	Utvrđenje služnosti	6
	e	Utvrdjivanje i uknjižba	16
	f	Uznemiravanje prava vlasništva	1
4.		Sporovi po osnovu ugovora i pravnih poslova	5
	a	Poništenje/ništavost ugovora	1
	b	Otkaz ugovora	1
	c	Poništenje i ništavost ugovora	1
	d	Isplata potraživanja	2
5.		Sporovi o naknadi štete	38
6.		Sporovi iz radnih odnosa	17
7.		Ostali sporovi	418
	a	Dug	110
	b	Komunalne i slične usluge	281
	c	Prijedlog za određivanje mjere osiguranja	10
	d	Kleveta	2
	e	Ostali	15

Na parničnom referatu (P, RS i Mal predmeti) primljeno je 651 predmeta (242 P, 16 Rs, 368 Mal, 11 P-Mo, 1 Rs-Mo, 2 P-Pom i 11 P-Mpom) i u toku izvještajnog perioda u radu je bilo ukupno 862 predmeta.

U 2021. godini riješeno je ukupno 568 parničnih predmeta (198 P, 11 Rs, 335 Mal, 9 P-Mo, 1 Rs-Mo, 12 P-Mpom i 2 P-Pom predmeta), od čega presudom zbog propuštanja 217 predmeta ili 38,20%. Od 198 P predmeta, presudom zbog propuštanja završeno je 16 predmeta ili 8,08 % a od 335 Mal predmeta 199 je završeno presudom zbog propuštanja ili 59,40%. Presudom na osnovu priznanja riješeno je 14 predmeta ili 2,46%. Od 198 P predmeta presudom na osnovu priznanja završeno je 9 predmeta ili 4,54%, od 335 Mal predmeta 3 je završeno presudom na osnovu priznanja ili 1,51%, od 11 Rs predmeta 2 su završena presudom na osnovu priznanja ili 18,18%. Presudom donesenom nakon provedene rasprave riješeno je 156 ili 27,46 % predmeta (od čega 129 P ili 65,15 %, 6 Rs ili 54,54 %, 13 Mal predmeta ili 3,88%, 7 P-Mo ili 77,77%, i 1 Rs-Mo ili 100%). Sudskom nagodbom je riješeno 12 ili 2,11% predmeta (od čega 4 Mal predmeta ili 1,19 %, 6 P ili 3,03 i 2 Rs predmeta ili 18,18%). Procesnom odlukom je riješeno 29 predmeta ili 12,12% (od čega 27 Mal predmeta i 2 P-Mo), u 26 predmeta sud se oglasio nenadležnim ili 4,57% (22 Mal ili 6,56% i 4 P ili 2,02%). 114 predmeta ili 20,07% su riješeni na drugi način,

povlačenjem tužbe, prekidom postupka, spajanjem predmeta, zamolnica izvršena odnosno nije izvršena (od čega 45 P ili 22,72 % i 69 Mal predmeta ili 20,59 %)

Na kraju izvještajnog perioda ostalo je neriješeno 294 parničnih predmeta (158 P, 11 Rs, 121 Mal, 4 P-Mo), od čega 244 predmeta iz 2021. godine i 50 iz ranijih godina.

Trajanje postupka: u 568 predmeta (198 P, 11 Rs, 335 Mal, 9 P-Mo, 1 Rs-Mo, 12 P-Mpom i 2 P-Pom predmeta) završenih parničnih predmeta postupak je u 554 predmeta trajao do 1 godine ili 97,54% a u 14 predmeta postupak je trajao preko 1 godine ili 2,46%.

b) Vanparnični referat

Pregled primljenih vanparničnih predmeta:

Vrsta vanparničnog postupka	Broj predmeta
Ostavinski postupak	731
Deponovanje testamenta	7
Opozivanje testamenta	3
Oduzimanje ili vraćanje poslovne sposobnosti	12
Proglašenje nestalih osoba umrlim i dokazivanje smrti	9
Dozvola za zaključenje braka	2
Zadržavanje duševno bolesnih osoba u zdravstvenoj ustanovi	2
Oduzimanje i vraćanje roditeljskog staranja	3
Održavanje neposrednih kontakata malodobne djece sa nanom i djedom	2
Dioba stvari i nekretnina u zajedničkom vlasništvu	17
Uređenje međa	11
Protest mjenice	99
Pravna pomoć	7
Obezbjedenje dokaza	2
Ispravka imena u zemljišnim knjigama	1

Na vanparničnom referatu primljeno je 908 predmeta i u toku izvještajnog perioda u radu je bilo ukupno 1301 predmet.

U toku izvještajnog perioda riješeno je 940 predmeta od toga 762 ostavinskih predmeta (O), 162 vanparničnih (V-V), 7 deponovanje testamenta (Pi-Pi), 5 predmeta pružanja međunarodne pravne pomoći (V-Mpom), 1 predmet mjere osiguranja (V-Mo) 3 predmeta pružanje međunarodne pravne pomoći u ostavinskim predmetima (O-Mpom).

Od 162 riješenih V predmeta donošenjem odluke u meritumu riješeno je 27 predmeta, sudska nagodba je zaključena u 2 predmetu, povlačenjem prijedloga 9 predmeta, prijedlog odbačen 2 predmeta, prekid postupka određen je u 8 predmeta, 2 predmeta su završena donošenjem procesne odluke, 2 predmeta dostavljena drugom sudu na nadležnost, u 1 predmetu postupak obustavljen, na drugi način riješeno 109 predmeta. Od ukupno riješenih 5 V-Mpom predmeta u 3 predmeta je zamolnica izvršena a u 1 predmetu nije izvršena dok je 1 predmet riješen

na drugi način.

Od ukupno riješenih 762 O predmeta, od strane notara riješeno je 719 predmeta, na osnovu raspravljanja zaostavštine riješeno 19 predmeta, rješenje o nasljeđivanju doneseno u 14 predmeta, prijedlog odbačen u 1 predmetu, prijedlog je povučen u 1 predmetu, završeno na drugi način u 4 predmeta, u 2 predmeta je doneseno rješenje o prekidu postupka, dok su 2 predmeta delegirana po mjesnoj nenadležnosti drugom sudu.

Trajanje postupka: na vanparničnom referatu od 940 predmeta u 893 predmeta postupak je trajao do 1 godine ili 95,00 % dok je u 47 predmeta ili 5,00 % postupak trajao preko 1 godinu.

c) Izvršni referat

Na izvršnom referatu u toku 2021. godine primljeno je 869 predmeta, od toga je 254 komunalnih predmeta, 3 I-Mpom, i 81 Ip predmeta a 531 je I predmeta (I-I, K-I, Mal-I, P-I, Pr-I, Rs-I, V-I).

U toku 2021.godine riješeno je 909 izvršnih predmeta i to: 1 I-Pom, 3 I-Mpom, 107 Ip predmeta, 248 komunalnih predmeta od čega 14 Ip-kom predmeta i 550 ostalih predmeta (po prijedlogu banaka, Mikrokreditnih organizacija, izvršenja na osnovu pravosnažnih sudskih odluka i dr.)

Na kraju izvještajnog perioda ostalo je neriješeno 659 izvršnih predmeta, od čega iz 2021. godine 509 predmeta, iz 2020. godine 117 predmeta, iz 2019. godine 17 predmeta, iz 2018. godine 9 predmeta, iz 2017. godine 6 predmeta, iz 2016. godine 1 predmet.

Od ukupno neriješenih 659 izvršnih predmeta 220 je komunalnih predmeta.

Pregled rada u izvještajnom periodu po Pr predmetima

U izvještajnom periodu primljeno je ukupno 998 prekršajnih predmeta od čega je 657 Pr predmeta, 31 Prm, 22 Pr-Pom predmeta, 226 Pr-Pls predmeta, 3 Pr-Ipsz i 48 Ips predmeta, 5 Pr-Zm predmeta i 6 Pr-Prz predmeta.

U izvještajnom periodu na prekršajnom referatu ukupno je riješeno 1120 predmeta od toga: 609 Pr predmeta, 27 Prm predmeta, 226 Pr-Pls predmeta, 219 Pr-Ips predmeta, 6 Pr-Ipsz predmeta, 22 Pr-Pom predmeta, 5 Pr-Zm predmeta i 6 Pr-Prz.

Na kraju izvještajnog perioda ostalo je ukupno 737 neriješenih prekršajnih predmeta od kojih je: 199 Pr predmeta i svi su iz 2021.godine, 528 Ips predmeta od čega 38 iz 2021.godine, 90 iz 2020.godine, 197 iz 2019. godine, 136 iz 2018.godine i 67 iz 2017.godine; 1 Prm-Ipsm iz 2019.godine, 9 Prm-Prm svi su iz 2021.godine.

Zemljišno-knjižni ured

U 2021. godini riješeno je 7713 predmeta zajedno sa predmetima usaglašavanja katastra i zemljišne knjige, i to 3064 redovnih Dn predmeta na osnovu zahtjeva za upis i 4649 predmeta na osnovu zahtjeva za usaglašavanje katastra i zemljišne knjige. Primljeno je u toku 2021.godine 3052 redovnih Dn predmeta, a 28 predmeta za usaglašavanje katastra i zemljišne knjige. Treba naglasiti da je u 2015. godini započeo Projekat registracije i usaglašavanja podataka o nekretninama i pravima na nekretninama iz katastra i zemljišne knjige za k.o. Gračanica i Gornja Orahovica, tako da je u 2015. godini zaprimljeno 14338 predmeta, dok je u novembru i decembru 2016. godine zaprimljeno 10256 predmeta za usaglašavanje katastra i zemljišne knjige za k.o. D.

Lohinja-Pribava, Donja Orahovica i Lukavica Rijeka, u zadnjem kvartalu 2018.godine je zaprimljeno 9795 predmeta za usaglašavanje katastra i zemljišne knjige za k.o. Stjepan Polje, Miričina i Lukavica, u 2020.godini zaprimljeno 8106 predmeta za usaglašavanje katastra i zemljišne knjige za k.o. Babići, Malešići, Rašljeva i Gornja Lohinja, dok je u 2021. godine zaprimljeno 28 predmeta za usaglašavanje katastra i zemljišne knjige.

U toku 2021. godine priliv redovnih zemljišnoknjižnih predmeta na osnovu zahtjeva za upis je veći u odnosu na 2020. godinu za 862 predmeta a takođe i broj riješenih predmeta je veći u odnosu na 2020. godinu i to za 876 predmeta.

Kad su u pitanju zahtjevi za uspostavljanje zk uložaka na kraju 2021. godine riješen je veći broj predmeta u odnosu na 2020.godinu, s tim da je Zemljišnoknjižni ured u 2021. godini zaprimio 28 predmeta.

RJEŠAVANJE ZAOSTALIH PREDMETA

Iz tabela br. 1 i br. 2 (gdje je dat prikaz svih vrsta predmeta) vidljivo je da je na dan 31.12.2020. godine ostalo neriješeno ukupno 8967 predmeta, uključujući i zemljišnoknjižne predmete kako redovne (33) tako i iz Projekta usaglašavanja katastra i zemljišne knjige (2015), dok je bez pomenutih predmeta na dan 31.12.2020. godini ostalo neriješeno 2286 predmeta.

U toku 2021. godine primljeno je u rad novih 7324 predmeta od čega je 3080 zemljišnoknjižnih predmeta i to 3052 redovnih Dn predmeta, a 28 predmeta iz Projekta usaglašavanja katastra i zemljišne knjige, tako da je u radu bilo ukupno 16291 predmeta. U istom periodu riješeno je 12047 predmeta od kojih je 7713 zemljišnoknjižnih predmeta i to 3064 redovnih zk predmeta a 4649 riješenih predmeta iz Projekta.

Na dan 31.12.2021. godine ostalo je neriješeno ukupno 4244 predmeta od čega 1426 ili (33,60%) predmeta koji su primljeni u 2021. godini i 2818 (66,40%) predmeta iz ranijih godina.

Od 2818 predmeta koji su ostali neriješeni na kraju izvještajnog perioda, a potiču iz ranijih godina, 2242 predmeta potiču iz 2020.godine, od čega su 1946 Dn predmeta (redovni i predmeti iz Projekta), 259 predmeta potiču iz 2019. godine (koji su iz Projekta), 163 predmeta potiču iz 2018.godine, od čega su 11 Dn predmeta, 73 predmeta iz 2017.godine (koji su iz Projekta), 5 predmeta potiče iz 2016.godine od čega je 2 Dn predmeta, zatim 66 predmeta potiče iz 2015.godine od čega je 62 Dn predmeta, 4 iz 2014.godine, 1 iz 2013.godine, 1 iz 2012.godine, 4 iz 2011.godine i ranije.

Prije svega, neophodno je istaći činjenicu da je u navedenom periodu na rad suda znatno utjecala epidemiološka situacija u državi, tako da ni sud nije mogao raditi u uobičajenim uslovima, već je za vrijeme proglašene pandemije i stanja nesreće u FBiH rad suda bio organizovan shodno naredbama, odlukama i preporukama Kriznog štaba. Zatim, nakon liberalizacije mjera, kada su sudovi počeli sa suđenjima, ročišta je teže održavati kako zbog obaveze poštivanja socijalne distance tako i zbog čestih odgađanja i nemogućnosti dolaska stranaka i učesnika u postupku koji se nalaze u inostranstvu. Pored navedenog, preneseni predmeti iz ranijih godina nisu riješeni iz procesnih razloga jer u pojedinim krivičnim predmetima optuženi nisu dostupni, mijenjaju se adrese, u parničnim predmetima, osim složenosti predmeta prisutna je kod određenog broja predmeta i nemogućnost dostave tužbe na odgovor tuženoj strani zbog promjenjenih ili netačnih adresa. Kod izvršnih predmeta razlog nerješavanja je to što je u izvršnim predmetima više izvršenika, tražitelj izvršenja dostavi netačne adrese, izjavljivanje prigovora izvršenika usporava postupak, zatim česta potreba da se vrši popis, procjena i prodaja pokretnih stvari izvršenika, u pojedinim predmetima od strane tražilaca izvršenja traži se i ponovni popis stvari, izvršni

postupak usporava podnošenje zahtjeva tražilaca izvršenja za odlaganje izvršenja na određeni vremenski period (6 mjeseci ili godinu dana) iz razloga što je izvršenik počeo sa plaćanjem duga.

Radi bržeg rješavanja starijih predmeta sud svake godine u skladu sa Uputstvom Visokog sudskog i tužilačkog vijeća Bosne i Hercegovine donosi Plan rješavanja predmeta, čija se realizacija redovno prati. Prema Uputstvu Vijeća plan se sačinjava za predmete koji nisu hitne prirode, komunalne prirode i odnosi se na one koji nisu riješeni za godinu dana od prijema inicijalnog akta u sud (optužnica, tužba, prijedlog za izvršenje). S tim u vezi, može se reći da je u prethodnoj godini zadovoljavajući broj starih predmeta riješen.

STATISTIČKI KVALITET ODLUKA

Statistički kvalitet odluka se izračunava u skladu sa članom 16. Kriterija za ocjenjivanje rada sudija u Bosni i Hercegovini (broj 06-08-4731/2013, izmjene broj 06-08-4000/2014 i izmjene broj 06-08-1-3494/2016) i to na temelju sljedećih podkriterija:

- procent ukinutih odluka u odnosu na ukupan broj potvrđenih, preinačenih i ukinutih odluka od strane suda više instance
- procent ukinutih i preinačenih odluka, koje se u smislu stava 2.istog člana računaju kao ukinute, u odnosu na ukupan broj predmeta u kojima je donesena konačna odluka na koju se može izjaviti pravni lijek sudu više instance.

Broj donesenih odluka suda u 2021.godini na koje se mogao izjaviti pravni lijek je 2204, broj potvrđenih odluka je 114, broj preinačenih odluka je 28, broj ukinutih odluka je 16 a broj djelimično ukinutih je 6.

U skladu sa navedenim Kriterijima, kvalitet sudskih odluka u 2021.godini iznosi 91,10%.

IZVRŠENJE KRIVIČNIH SANKCIJA

U toku 2021. godine u radu je bilo 85 predmeta izvršenja krivičnih sankcija (upućivanje pravnosnažno osuđenih lica na izdržavanje kazne zatvora) od kojih je 14 preneseno iz prethodnih godina, a 71 je primljen u 2021. godini.

Od 71 primljenih predmeta izvršenja krivičnih sankcija u 69 predmeta osuđena lica su sa područja Grada Gračanica, u 2 predmeta iz općine Doboj Istok.

U toku izvještajnog perioda riješeno je 70 predmeta, a 15 je ostalo neriješenih (kod neriješenih predmeta jedan dio predmeta odnosi se na nedostupnost osuđenih lica u odnosu na koje je izdata potjernica, dat nalog sudskoj policiji za prinudno sprovođenje u KPZ ili je u predmetu započet proces za izdržavanje kazne uz elektronski nadzor).

KADROVSKA STRUKTURA SUDA I MATERIJALNI POLOŽAJ

Općinski sud u Gračanici vrši sudsku vlast za područja Grada Gračanica i općine Doboj Istok i za vršenje poslova prema Pravilniku o unutrašnjoj organizaciji i sistematizaciji radnih mjesta u Općinskom sudu u Gračanici 027-0-Su-19-000 544 od 08.11.2019. godine obrazovane su organizacione jedinice kroz Odjeljenje sudija, Odjeljenje sudske uprave (a-Odsjek sudske uprave i b-Pisarnica), te Odjeljenje za zemljišno-knjižne poslove.

Prema navedenom Pravilniku predviđeno je da sudijsku funkciju u Općinskom sudu u Gračanici vrši 5 redovnih sudija uključujući i predsjednika suda, 2 dodatnih sudija, 2 stručna saradnika a ostale poslove iz nadležnosti suda predviđeno je da obavlja 8 državnih službenika i 26 namještenika, s tim da nisu popunjena sva predviđena radna mjesta.

Poslove sudija u izvještajnom periodu obavljalo je 5 sudija (predsjednik suda, 4 redovnih sudija) i 2 stručna saradnika, s tim da je sudija Sabina Hamidović koja je obavljala dužnost dodatnog sudije u ovom sudu od 01.09.2021. godine stupila na dužnost redovnog sudije takođe u ovom sudu, a stručni saradnik Dženana Brkić stupila je na dužnost 16.08.2021. godine, a koja je obavljala poslove državnog službenika stručni saradnik-administrator u ovom sudu, tako da je navedeno radno mjesto ostalo upražnjeno i nije popunjeno do kraja 2021. godine.

U 2021. godini popunjena su upražnjena radna mjesta i to državni službenik – zemljišnoknjižni referent koje je popunjeno 22.02.2021. godine, kao i dva radna mjesta namještenika (daktilograf) a koja su popunjena 15.07.2021. godine i 01.09.2021. godine.

Dakle, u 2021. godini osim nepopunjenih radnih mjesta dodatnih sudija, kao i upražnjenog radnog mjesta državnog službenika stručnog saradnika-administratora od 16.08.2021.godine, zbog imenovanja Dženane Brkić na poziciju stručnog saradnika, još su upražnjena određena mjesta državnih službenika i namještenika zbog finansijske situacije tj. od predviđenih 8 državnih službenika popunjena su 4 a od 26 namještenika popunjeno je 21 radno mjesto.

RAD SUDSKE UPRAVE

U Odjeljenju sudske uprave obavljaju se poslovi kojima se osiguravaju uslovi za pravilan rad i poslovanje Suda a u okviru Odjeljenja sudske uprave formirane su unutrašnje organizacione jedinice a) Odsjek sudske uprave i b) Pisarnica.

Poslovi Odsjeka sudske uprave obuhvataju:

- organiziranje unutrašnjeg poslovanja u Sudu,
 - obezbjeđenje blagovremenog i urednog obavljanja poslova u Sudu,
 - osiguravanje uslova za rad sudija, stručnih saradnika i ostalih zaposlenika u Sudu, obavljanje poslova u vezi sa ostvarivanjem prava, obaveza i odgovornosti sudija, stručnih saradnika i ostalih zaposlenika u Sudu,
 - podršku i brigu o stručnom usavršavanju sudija, stručnih saradnika i ostalih zaposlenih u Sudu,
 - održavanje biblioteke u sudu i redovno popunjavanje aktuelnom stručnom literaturom,
 - vođenje personalne dokumentacije,
 - vršenje poslova finansijskog i materijalnog poslovanja Suda,
 - obavljanje poslova javnih nabavki,
 - obavljanje poslova iz radnih odnosa,
 - poslovi izvršenja krivičnih i prekršajnih sankcija,
 - poslovi u vezi sa pritužbama na rad sudija, stručnih saradnika, državnih službenika i namještenika,
 - poslovi međunarodne pravne pomoći,
- ostali poslovi određeni Zakonom i drugim propisima.

U radu suda primjenjuju se odredbe Zakona o sudovima, Pravilnika o unutrašnjem sudskom poslovanju Federacije BiH i Brčko distrikta, Pravilnika o sistemu za automatsko upravljanje predmetima u sudovima (CMS), Pravilnika o orijentacionim mjerilima za rad sudija i

stručnih saradnika i Uputstva VSTV-a BiH za rad po starim neriješenim predmetima kao i drugi propisi.

U okviru rada sudske uprave, izvršena je i redovna obaveza predsjednika suda u pogledu godišnjeg ocjenjivanja rada sudija, stručnih saradnika i svih ostalih uposlenika Suda. Predsjednik Suda je obavio ocjenjivanje rada 4 sudija i četiri državnih službenika Suda, dok je po prijedlogu šefa pisarnice i šefa zk ureda, predsjednik Suda u okviru svojih nadležnosti izvršio ocjenjivanje ostalih zaposlenika.

U izvještajnom periodu kontinuirano su se izrađivali i mjesečni izvještaji o radu svakog sudije pojedinačno i suda u cjelini, a program CMS omogućavao je svakom od sudija da u bilo kojem trenutku ima informaciju o svojim ostvarenim radnim rezultatima i stanje broja neriješenih predmeta.

Odjeljenje sudske uprave je i u toku 2021. godine osiguralo sudijama administrativno-tehničku podršku pri pohađanju obaveznih edukacija svakog sudije (i to u trajanju od najmanje tri dana) ostvarenih kroz seminare i konferencije koje je organizovao Centar za edukaciju sudija i tužilaca FBiH, kako onih održanih na predviđenim edukacijama tako i onih održanih on-line, zbog pandemije virusa COVID-19, a gdje su se iskustva stečena na stručnim usavršavanjima pozitivno odrazila na kvalitet rada svakog sudije pojedinačno ali i Suda u cjelini.

U okviru sudske uprave redovno su se održavali i radni sastanci sa šefovima unutrašnjih organizacijskih jedinica, a što je rezultiralo znatno boljom kvalitetom obavljanja svakodnevnih poslova i radnih zadataka, odgovornijim odnosom prema radu i radnoj disciplini te dosljednijem poštivanju Etičkog kodeksa ponašanja.

Web stranica suda se ažurira nastojeći da pruži javnosti potrebne podatke o radu suda i sudskim uslugama počevši od rasporeda održavanja glavnih pretresa i rasprava pa do načina ostvarivanja slobode pristupa informacijama, kao i ostalih obavještenja i uputstava kako bi strankama bili olakšani različiti postupci pred sudom.

Na kraju treba istaći i činjenicu da je sudska uprava ostvarila i veoma dobru saradnju sa Odjelom sudske policije, koja je smještena u zgradi Suda, i da je sudska policija u proteklom periodu uspješno obavila sve zadatke koje je dobivala od strane predsjednika Suda, sudija sa krivičnog referata te sudija sa drugih referata.

OCJENA I PRIJEDLOG MJERA

Osnovne karakteristike za ovaj izvještajni period, u najkraćem, bile bi:

Općenito priliv predmeta u 2021. godini, bez zemljišnoknjižnih predmeta, je manji u odnosu na 2020. godinu, za 15 predmeta.

Priliv predmeta u 2021.g. je veći u odnosu na priliv u 2020. godini na krivičnom, parničnom, prekršajnom, vanparničnom referatu i sudskoj upravi, odnosno manji na izvršnom referatu.

U pogledu zemljišno-knjižnih predmeta priliv predmeta na osnovu zahtjeva za upis u 2021. godini je veći u odnosu na 2020. godinu, s tim da je zaprimljeno 27 predmeta iz Projekta registracije nekretnina dok u 2020.godine zaprimljeno 8106 predmeta te vrste, tako da je shodno tome veći i broj riješenih predmeta te vrste u odnosu na 2020.godinu, a veći je i broj riješenih redovnih predmeta na osnovu zahtjeva za upis u 2021.godini u odnosu na 2020. godinu.

U izvještajnom periodu manji je broj neriješenih predmeta u odnosu na 2020.godinu, od čega je u pogledu starosti neriješenih predmeta, najveći broj predmeta iz 2020.godine, zatim iz 2019., 2018., 2017. a mali je broj neriješenih predmeta iz 2016.godine i ranije.

S obzirom na ostvarenu kolektivnu normu suda od 108,09 % može se konstatovati da je

postignut odgovarajući rezultat u postupanju sa predmetima, imajući u vidu vanrednu situaciju uzrokovanu pojavom COVID-19 te prestanak rada jednog sudije i stručnog saradnika krajem 2020. godine, a čiji su predmeti presignirani ostalim sudijama i stručnom saradniku pred kraj 2020. godine. Četvero sudija je imalo prebačaj norme (uključujući normu predsjednika suda) a jedan sudija i dva stručna saradnika su imali ispod 100% godišnje norme, s tim da treba naglasiti da je jedan stručni saradnik stupio na dužnost 16.08.2021. godine. Rad svih ostalih uposlenika cijeni se kao uspješan odnosno naročito uspješan, posebno kada se ima u vidu nepopunjenost sistematizacije, odsustva po osnovu bolovanja ili prestanka rada.

Rad zemljišno-knjižnog ureda je veoma zadovoljavajući, s obzirom na Projekat usaglašavanja i broj predmeta koji je primljen u 2015. godini, 2016. godini, 2018. i 2020. godini.

Cjelokupan rad suda za 2021-tu godinu se može ocijeniti kao uspješan, o čemu govore podaci o broju ukupno riješenih predmeta sa godišnjom normom od 108,09 %, i kvalitetom rada suda od 91,10 %, takođe i smanjenim brojem starih predmeta, imajući u vidu uslove rada.

Plan rješavanja predmeta za nivo suda realizovan je u procentu od 83,41%.

Efikasnost posmatrana kroz dužinu trajanja postupka je različita u odnosu na vrstu predmeta, zavisno od broja predmeta na određenom referatu te priliva predmeta.

Rokovi propisani u Zakonu o krivičnom postupku za odlučivanje o potvrđivanju i dostavljanju optužnice, zakazivanje ročišta radi izjašnjavanja o krivnji, razmatranje izjava o priznanju krivnje, kao i u pogledu pritvorskih predmeta tako i u pogledu zakazivanja glavnih preteresa, su u najvećem dijelu predmeta ispoštovani, kao i rokovi propisani Zakonom o parničnom postupku u pogledu dostave tužbe na odgovor, kao i u zakazivanju pripremnih ročišta i glavnih rasprava. Rokovi propisani za izradu odluka uglavnom su ispoštovani na svim referatima, osim u opravdanim slučajevima.

U izvještajnom periodu ostvarena je saradnja na zavidnom nivou sa Centrom za pružanje besplatne pravne pomoći što se odrazilo na aspekt budžetskih sredstava zbog angažovanja uposlenika Zavoda u predmetima.

Ocjena o potrebnom broju sudija, stručnih saradnika i ostalih zaposlenika:

Ako se ostvareni priliv predmeta u 2021. godini iskazan u tabeli br. 1, sagleda u odnosu na godišnju normu, proizilazi da bi se zadržala postojeća ažurnost suda, odnosno ista i povećala, potrebno je prije svega popuniti upražnjena radna mjesta u pogledu namještenika i državnih službenika. Eventualno zatražiti od VSTV-a izmjenu Pravilnika o unutrašnjoj organizaciji i sistematizaciji radnih mjesta te umjesto dodatnih sudija za koje ne postoji mogućnost angažovanja zbog zaključka VSTV-a, da se umjesto dodatnih sudija (dvoje) promjeni broj redovnih sudija sa 5 na 6. Pored navedenog, potrebno je razmotriti u 2022.godini povećanje broja namještenika ili državnog službenika a imajući u vidu i predviđenu sistematizaciju novim Pravilnikom o unutrašnjoj organizaciji i sistematizaciji radnih mjesta.

PREDSJEDNIK SUDA

Meliha Hadžihasanović

